

中華民國四年八月

國體問題

卷首

(冊下)

嶺表顏綸澤署

中華民國四年八月

國體問題

卷首
(冊下)

嶺表顏綸澤署



發行印

國體問題首卷下冊

實價大洋五角

南華居士

校刊者

傅家驤 方仁傑
傅家治 沈國武
方仁基 沈國珍

發行者 方伯毅

印刷所

◀ 卷 二 題 問 體 國 ▶

出 書 預 告

此卷體例與首卷略異首論緒次政談次
書牘次紀聞次時評次諸著次小說次附
錄計共八門力之首卷材料猶爲豐富記
載更爲詳確 巨著又多可歌可誦
之文奇聞逸 諸著爲各報所未經
登載者極眾 誦願之書勸進之傑
均彙載篇中 史之資以爲表彰之
助半用五號字全書三百餘頁現已印刷
不日出書特此預告預定壹元

北京琉璃廠門牌一百九十八號

直隸書局啟

弁言

南華居士曰。余於國體問題之纂。原亦一種遊戲人間之事。於人無益。於無害。大旨極無意味。既於例言言之矣。迨首卷上冊出版後。而報界竟以爲之鼓吹。意者遊戲之作。亦社會之所同好乎。特摘錄數則於左。然殊亦以增閱者之興味也。

北京國民公報評國體問題之刊行

(九月三十日)

自國體問題供一般人研究之資。反對贊成兩方之言論行事。散見於報端者無慮數千萬言。直隸書局有自署南華居士者。蒐集各方面之資料。輯成二卷。題曰國體問題。分紀聞政談書牘論辨時評諸著小說附錄八目。不分贊成反對。有聞必錄。褒然成冊。足爲信史之取資。還以餉多數研究之學者。一如形之於鏡。各自別其妍媸矣。

北京順天時報評國體問題之出版

(九月三十日)

國體問題爲最近一般人所注意。刻下直隸書局已將各方面關於該項事實編輯成

書。分首卷爲上下二冊。集腋成裘。內容豐富。其序次約分紀聞政談書牘論辯時評五端。編輯主任南華居士具正法眼藏。殫力搜採。以供國人之多數研究。一紙風行。稍有留心國事。知必踴躍訂購。以期先覩爲快云。

北京新中國報於國體問題之介紹

(十月
廿日)

南華居士新纂國體問題一書。是是非非。應有盡有。亦煞費苦心矣。世之欲悉箇中詳情者。皆所必需。許承直隸書局以該書首卷相贈。令亟介紹。以誌謝忱。

中華民國

國體問題首卷

南華居士纂

篇丙

書牘

賀振雄請肅政廳代呈大總統誅奸救國書

爲擾亂國政。亡滅中華。流毒蒼生。遺禍元首。懇請肅政廳長代呈大總統嚴拿正法。以救滅亡。而謝天下事。竊聞天下興亡匹夫有責。奸奴誤國人得而誅我占神州四千餘載。君干相傳。干戈擾攘。萬民塗炭。四海瘡痍。稽披歷史。至爲寒心。自唐虞揖讓天下。謳歌暨湯武征誅。人民殺伐。國無寧歲。民無安時。七雄相並。五霸競爭。秦吞六國。漢約三章。王莽出。光武興。曹操稱雄。司馬逞智。南北六朝。梁唐五代。陳后主。隋煬帝。武則天。安祿山。宋太祖。元世宗。明朱氏。清覺羅。各代君王。而今安在。惟留禍害。傳染中華。自古愚人相爭。相奪。爭稱帝。稱王。因一時昏迷。不悟徒博眼前虛榮。而遺子孫實禍。誠可憐而可哀也。在昔閉關時代。相爭相奪。猶是國家。今則環海交通。羣雄眈視。一召滅亡。萬劫難覆。叔寶心肝何無至此。吾民國共和創造未及五載。而沙場血漬。腥臭猶聞。人民痛。

苦呻吟未已。我大總統手創共和。力任艱鉅。四年以來。宵衣旰食。劍寢屢皇。維持國政。整理軍務。削平內亂。親睦外交。不知耗多少心血。費幾許精神。始克臻此治理。現方籌備國會。規立法院。整飭吏治。澄肅官方。惟日孜孜。不遺餘力。民生國計。漸有秩序。四年之間。國是已經大定。內外官吏。咸能以國家爲前提。輔弼鴻猷。綏厥中土。國力日見其發展。國基日見其鞏固。而謂吾中國不適於共和。不能用君主政體。眞狗彘不食之語也。吾敢一言以告我同胞曰。有吾聖神文武之責。大總統首任一期規模。即已大備。若得連任。國政即可完全。不十年間。我中華民國共和程度。必能駕先進之歐美。稱雄地球。況我大總統高瞻遠矚。碩畫偉謀。既剷除四千餘載專制淫威。開創東亞共和之新國。不獨人民頌禱馨香。銅像巍峨。卽世界各國亦莫不欽仰其威儀。何物妖魔竟敢於青天白日之下。露尾現形。利祿薰心。熒惑衆聽。嘗試天下貽笑友邦。竊若輩之倒行逆施。是直欲陷吾元首於不仁不義之中。非聖非賢之類。蹈拿坡崙傾覆共和。迫崇帝制之故轍。貽路易十四專制魔王流血國內之慘狀。其用心之巧。藏毒之深。喻之賣國野賊。白狼梟匪。其計尤奸。其罪尤大。嗚呼。國之將亡。必有妖孽。妖孽者。誰即發起籌安。

會之楊度孫毓筠嚴復劉師培李燮和胡瑛諸賊也。振雄生長中華。傷心大局。明知若輩勢毒彌漫。言出禍至。尙恐覆巢之下。完卵必無。與其爲亡國之奴。曷若作共和之鬼。故敢以頭顱相誓。腦血相披。懇請肅政廳長代呈我大總統。立飭軍政執法處。嚴拿楊度。一千禍國賊等。明正典刑。以正國是。以救滅亡。以謝天下人民。以釋友邦疑義。元首幸甚。民國幸甚。

(八月十五日)

李彬上大總統請取消籌安會書

爲莠言亂政。懇請取消驅逐。以定國是。而安人心事。竊以南北之戰爭方息。中日之交涉旋生。言念前事。創鉅痛深。賴大總統宵旰憂勞。始得變危爲安。凡有血氣。宜如何策力振作。輔弼鴻猷。以圖補救。既往維持將來。從未有莠言亂政。兒戲政體。如現在創辦籌安會諸人者也。溯彼發起此會數人。類皆勢利浮躁之徒。並無政治道德之念。當時局顛危。不聞發一言。出一策。以舒元首之焦慮。及天下略安。乃欲舉國家生死存亡之命運。以爲少數人嘗試之具。幸而事成。固可居擁戴定策之勳。不幸事敗。則惡名加於元首。禍亂及於全國而已。反得逍遙事外。其居心至毒。用術亦至巧矣。且該會所持宗

旨。不過以改變國體爲言耳。而處此時勢改革。亦正有難言者矣。南方初平。黨人內外潛伏。伺隙而動。此說一出。是授黨人以藉口。報復之機也。未可遽言者。一起義之始。海外華僑與內地人民踴躍贊助。乃共和二字甫經認清。即違背屢訂之約法。乖中外之心。拂人民之望。未可遽言者。二。五族共和。權利平等。今立君主。則優勝占於一族。他族怨望。猜貳必致離析分崩。未可遽言者。三。東西各國。虎視鷹瞵。前次承認民國。尙多方挑剔刁難。一旦改革必苛索利益以作相當之報酬。未可遽言者。四。凡此四者。有一於此。足以致亂。不識該會據何心理。竟冒昧如斯。若云欲爲民國前途謀永遠之治安。則必審機觀變。從容布置。俾政府鞏固如磐。石國基奠定如苞桑。庶易世之際。自無分割。渙散之虞。卽有時國體仍須變更。亦可措置裕如者。萬全之計。是彬與四萬萬同胞所共聲香默祝者也。非然者。棄已成之安策。以冀不可知之事功。舉國震駭。人心搖動。恐墨西哥海蒂流血之慘劇。不必待改選總統時已破壞決裂而莫可收拾矣。嗟嗟法蘭西前被魔王之專橫。後遭獨逸之蹂躪。卒構成民主政治。美利堅始經八載之血戰。繼有南北之交閔。今豔稱共和雄國。蓋國事草創。非有極巨之代價。萬難享永久之生存。

人存政舉。古有明訓。該會若無仇於政府。無仇於民國。何爲出此反激之陰謀。此等伎倆。固政府與人民均宜注意者也。彬草野庸夫。罔識大計。前上除苛之書。曾邀高明之鑒。今茲不揣狂妄。特懇請大總統將該會立行取消驅逐。以免流毒全國。禍及後世。俾五族常祝中華民國萬歲。大總統萬歲。上呈八月十七日

李誨告發籌安會之原呈

具稟人四等嘉禾章前湖南省議會議員李誨爲叛逆昭彰。搖動國本。懇准按法懲治。以弭大患事。竊維武漢首義。全國鼎沸。我大總統不忍生民塗炭。出肩艱鉅。不數月間。清室退位。以統治權授之我大總統。組織政府。定爲共和國體。人心之傾向於以大定南北。既一我大總統就職。宣言曾經鄭重聲明。不使帝政復活。迨正式政府成立。世界友邦。遂次第承認。民國三年五月公布中華民國約法。我大總統又謂謹當率我百職。有司恪守勿渝。三年十一月宋育仁等倡爲復辟之謬說。我大總統又經根據約法。嚴切申誠。國體奠定。既已炳若日星。薄海人民。方幸有所托命。雖內憂外患。尙未消弭。而我大總統雄才大畧。碩畫宏謨。期以十年。何患我國家不足比肩法美。乃國賊孫毓筠。

楊。度。嚴。復。劉。師。培。李。燮。和。胡。瑛。等。組。織。籌。安。會。其。發。起。詞。以。共。和。國。體。不。適。於。吾。國。國。情。歷。引。中。美。南。美。諸。邦。以。共。和。釀。亂。之。故。指。爲。前。鑒。主。張。變。更。國。體。倡。言。無。忌。似。此。謬。說。流。傳。亂。黨。必。將。乘。機。藉。以。煽。動。勢。必。至。危。及。國。家。萬。一。強。鄰。伺。隙。利。用。亂。黨。之。擾。亂。坐。收。漁。人。之。利。其。禍。何。堪。設。想。當。國。體。既。定。之。後。忽。倡。此。等。狂。瞽。之。說。是。自。求。擾。亂。與。暴。徒。甘。心。破。壞。結。果。無。殊。雖。自。詡。忠。愛。實。爲。召。亂。之。媒。其。罪。豈。容。輕。恕。贛。寧。之。亂。雖。爲。暴。民。專。制。之。徵。而。我。大。總。統。命。將。出。師。期。月。之。內。一。律。肅。清。迄。今。暴。徒。歛。跡。政。治。悉。循。正。軌。此。豈。中。南。美。諸。邦。之。所。可。企。及。安。得。以。此。顛。破。共。和。夫。國。體。原。無。絕。對。的。美。惡。恒。視。時。勢。爲。轉。移。吾。國。今。後。國。體。果。當。何。若。固。不。能。謂。其。永。無。變。更。但。一。日。在。共。和。國。體。之。下。即。應。恪。守。約。法。不。能。倡。言。君。主。反。對。共。和。以。全。國。家。之。綱。紀。且。共。和。國。家。以。多。數。之。國。民。組。織。而。成。即。迫。於。時。勢。之。需。要。有。改。絃。更。張。之。日。則。國。體。之。選。擇。當。然。由。代。表。民。意。之。機。關。以。大。多。數。人。民。心。理。之。所。向。決。之。事。勢。之。所。至。自。然。而。然。決。非。少。數。妄。人。所。能。輕。譴。今。大。總。統。德。望。冠。於。當。世。內。受。國。會。之。推。戴。外。受。列。強。之。承。認。削。平。內。亂。鞏。固。國。交。凡。所。以。對。內。對。外。不。敢。稍。避。險。阻。者。無。非。欲。保。全。國。家。今。輕。議。更。變。國。體。萬。一。

清室之中。或有。一二。無知之徒。內連亂黨。外結強鄰。乘機主張復辟。陷我大總統於至困難之地位。而國家亦將隨之傾覆。該國賊等。雖萬死不足伏其辜。伏查三年十一月二十四日。申令有云。民主共和。載在約法。邪詞惑衆。厥有常刑。嗣後如有造作謠言。著書立說。及開會集議。以紊亂國憲者。即照內亂罪從嚴懲辦。以固國本。而遏亂萌。明令具在。凡行政司法各機關。尤宜一體遵守。今孫毓筠等。倡導邪說。紊亂國憲。未經呈報內務部核准。公然在石駙馬大街設立籌安會事務所。配布種種印刷物。實屬弁髦法紀。罪不容誅。檢察廳代表國家。有擁護法權。懲治奸邪之責。若竟置若罔聞。則法令等於虛設。法之不存。國何以立。誨懷匹夫有責之義。心所謂危。不敢安于緘默。用特據實告發。泣懇遵照民國三年十一月二十四日申令。立將孫毓筠等。按照內亂罪從嚴懲治。以弭大患。民國幸甚。國民幸甚。謹稟總檢察廳檢察廳長。

(八月十八日)

川人周震勛在北京大理院總檢察廳及肅政廳呈控籌安會發起人楊度等原呈

爲呈訴妖言亂國。請予駢誅。以維國體。而杜亂源事。溯自前清失政。親貴弄權。全國人

民水深火熱。人心改體。共謀亡秦。乃親貴樞臣。不思悔禍。貪婪搜括。攘利爭權。植黨營私。不恤民命。且尤一窩贈友邦。不暇家奴之謬想。專制毒箴。愈演愈熾。人民反抗。不可收拾。辛亥之歲。黎副總統起義武昌。各省人民聞風響應。不數月間。光復已十餘省。此乃全國國民之共同事業。爲我革命史上絕大光榮。初非少數黨人所能主張者也。南北戰爭。兵連禍結。強鄰環逼。禍亂方且。國家危亡。千鈞一髮。我大總統察世界之潮流。覩全國之趨向。知君主制度之不能。暨吾國人之心也。乃停載議和主。張民主立憲。全國人民歡欣鼓舞。共相推戴。迨共和詔下。而我中華民國五色國旗。遂飄揚於神州大陸之上。此乃我大總統乾轉坤之神力。而又得全國國人犧牲無數熱血頭顱。以成此萬世不朽之勳。媲美於美洲之華盛頓。並非少數黨人所能貪天之功者也。國會初開。暴民軍制。整齊閩粵。先後倡亂。危亡之禍。迫於眉睫。我大總統當機立斷。命將出師。次第削平。人心大定。此又我大總統功垂民國。德被萬世。更非少數黨人所能破壞者也。今者內亂已平。外患已弭。我大總統自正式受任以來。勵精圖治。日昃不遑。擴張國民政。育。施。行。自。治。條。例。召。集。立。法。機。關。其。餘。理。財。徵。兵。種。種。要。政。無。不。積。極。進。行。由。此

以往。不過十年二十年間。我中華民國。不難。凌駕。歐美。輝映。全球。舉國之人。有識無識。莫不共慶我大總統。宣示全國。誓守共和之決心。當可共白於萬世。乃不意光天化日之下。竟有造作妖言。號召黨羽。危害國家之逆賊。如發起籌安會之楊度。徐毓筠。嚴復。劉師培。胡瑛。李燮和等。是其發起。宜出語狂妄。以革命之偉業。而謂爲激於感情。以五族共和之建設。而謂爲但除種族。我大總統。創造共和全國。推戴而謂爲不適國情。又引古德諾之言。以爲吾國宜用君主制度。不知古爲外人。以外人而主張吾國全體。是否不合。抑或另有用意。不得而知。而中華民國之國家。當爲中華民國之國民全體。擁護。視同生命。斷不能以外人之言爲輕重。在民主國體之下。竟敢號召黨羽。謀叛國家。而反自命爲深識之士。不知當清廷禪讓之際。共和宣布之時。薄海騰歡。普天同慶。而彼自命深識之逆賊。不知逃命。何方。即南北構釁。亂黨弄兵之時。該逆賊等。又不知偷何生所。均皆噤口不言。不聞主張君主。乃今禍亂已平。國基已固。該逆賊等。反造作妖言。肆謀叛逆。較之二次三次革命之亂黨。其罪惡不稍末減。且用心尤有最毒者。楊度。嚴復。爲前清之君主黨。其發起此會也。實含有清帝復辟之餘興。孫毓筠。胡瑛等。

孫黃之黨人。其發起此會也。實含有破壞之野心。發起之名義雖同。而爲鬼爲蜮。暗昧不明之宗旨。實異要其危害國家。貽誤大局。則當共付駢首之誅。現在破壞黨人。遁逃海外。方且散布聯邦聯日之邪說。以傾害我國家。全國人民。方且視爲公敵。欲得而甘心。我大總統。近且有懲辦國賊之專條。乃楊度等竟敢於本國之內。首都之地。主張君主。而爲謀叛國家之行。爲況民國創建迄今四年。先烈之骨未寒。沙場之血猶漬。稍有天良。安忍背叛。且清皇帝共和之詔。大總統宣示之言。炳若日星。早已深印人民之腦海。而二三妖孽。利祿心糾。黨造謠。淆亂國是。玩我四萬萬人於股掌之上。外召滅亡。內興禍亂。視國體爲兒戲。等國法於弁髦。若不并予誅鋤。以清妖孽。則瓜分之禍。流血之慘。卽在日前。一旦覆亡。萬劫不復。且君主二字。乃民主國家最不吉祥之名。稱與帝王時代。亂臣賊子。無異。足以操亡國殺身之券。拿破命之寶。死路易之喪亡。歷史具在。可覆按也。震動生爲共和之民。死爲共和之鬼。祇知有國家。祇知有總統。若叛國逆賊。則人人得而誅之。惟有按照內亂犯提起公訴。伏乞總檢察長立提楊度等到案按律懲辦。宣布死罪。以維國體。而杜亂源。國家幸甚。人民幸甚。

肅政廳原呈同上惟末尾數語有懇求貴廳提出糾彈案呈請大總統立飭軍政執法處嚴拏懲辦云云

(八月十九日)

梁覺彈劾籌安會原呈

爲黨會宗旨不正。妄肆妖言。破壞共和。紊亂國憲。呈情據情彈劾。嚴行拿辦以儆奸邪。而靖內亂事。竊見籌安會發起宣言。鼓吹君主。陽假研究政體之名。陰圖顛覆國本之漸。詭謀邪說。路人皆知。旬日以來。士夫清議。氣遏難宣。中外官廳。充耳緘默。以視去歲。勞乃宣宋教仁輩之一倡復辟。各省緘電相馳。中央赫然震怒。拿辦遞解。執法以繩。此中幸不幸之懸殊。更令人百思而莫解。覺一介書生對於政治。素主靜觀。本不願以筆墨空談。致觸奸人之怒。以自賈禍。然天下興亡。匹夫有責。良知所及。欲默不能。謹就往往古歷史。現今國勢。及四百兆人民之安危。君主個人子孫之禍福。心謀經宿。爲我言路諸公一詳陳之。夫中國四千餘年。君主相承。視天下如私產。驅人民爲犧牲。彼滅此興。相爭相奪。每當一次改革。流血不知凡幾。今人讀湯武誓師之詞。猶不能無遺恨焉。夫湯武固中國同認爲君主中之神聖者也。得國之初。殘民以逞。吾知應天順人之談。